



Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07, 15/08, 63/23, 9/24 i 50/24), a u vezi sa članom 61. i 62. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23, 9/24, 27/24 i 72/24), Visoko sudsko i tužilačko vijeće Bosne i Hercegovine (u daljem tekstu: Vijeće), u sastavu, tužilac Sanin Bogunić, predsjednik Vijeća, sudija Velimir Ninković i sutkinja Sanela Gorušanović - Butigan, potpredsjednici Vijeća, te sudija Sedin Idrizović, sudija Obren Bužanin, sudija Izo Tankić, sutkinja Aleksandra Obradović, tužiteljica Bojana Jolović, tužiteljica Snježana Petković, tužilac Saša Sarajlić, prof. dr. Džamna Vranić, advokatica mr Duška Bogoević, advokat dr. sc Davor Martinović i advokatica Elma Veledar Arifagić, na sjednici održanoj 24 i 25.09.2025. godine, donijelo je

RJEŠENJE **o imenovanju sudije u Okružni privredni sud u Banjaluci**

- I. Za sudiju Okružnog privrednog suda u Banjaluci imenuje se **Popović Milka**.
- II. Datum stupanja na dužnost imenovane Vijeće će odrediti posebnom odlukom.

O b r a z l o ž e n j e

Na osnovu člana 36. Zakona o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i člana 33. i 34. Poslovnika Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je na internet stranici dana 07.11.2024. godine objavilo javni konkurs pod brojem: 04-07-3-4035-1/2024, kojim je oglašeno 2 (dvije) pozicije sudije Okružnog privrednog suda u Banjaluci.

Nakon provedene konkursne procedure, nadležno podvijeće je u skladu sa članom 59b. st. (1), (2) i (4), a u vezi sa članom 60. Poslovnika VSTV-a BiH izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovnikom VSTV-a BiH, Vijeće je odlučilo da na 2 (dvije) oglašene pozicije sudije Okružnog privrednog suda u Banjaluci imenuje sljedeće kandidate: prvorangiranu Šarić Veru i sedmorangiranu Popović Milku.

Dakle, Vijeće je odlučilo da za drugu od dvije oglašene pozicije sudije Okružnog privrednog suda u Banjaluci imenuje kandidatkinju na rang listi pod rednim brojem 7 Popović Milku, iz reda hrvatskog naroda, koja od 2023. godine obavlja dužnost stručnog saradnika u Osnovnom sudu u Banjaluci.

Prethodno tome, imenovana je od 2011. godine do 2023. godine obavljala poslove stručnog saradnika u Nova Banka.

Vijeće je, ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o VSTV-u BiH.

Kriteriji stručnosti i sposobnosti pravne analize imenovane kandidatkinje utvrđeni su na osnovu rezultata kvalifikacionog i pismenog testiranja, dok su ostali kriteriji, koji se odnose na sposobnost kandidatkinje da odgovorno, nezavisno i nepristrasno obavlja funkciju za koju se prijavila, profesionalne nepristrasnosti i ugleda, te ponašanja van posla, dosadašnjeg radnog iskustva kandidatkinje, edukacije i usavršavanja, objavljivanja stručnih i naučnih radova, te drugih aktivnosti u struci i komunikativnosti, utvrđeni na razgovoru pred nadležnom komisijom Vijeća, kojom prilikom je svaki član komisije nezavisno bodovao kriterije, kako je to propisano u čl. 54., 54a., 54d., 54e. i 54f. Poslovnika VSTV-a BiH.

Kada je u pitanju broj ostvarenih bodova, Vijeće je imalo u vidu da je imenovana kandidatkinja u toku konkursne procedure, za kriterij stručnosti i sposobnosti pravne analize ostvarila ukupno 87,5 bodova od mogućih 100 bodova, dok je na razgovoru pred nadležnom komisijom Vijeća u pogledu drugih kriterija ostvarila ukupno 12 bodova od mogućih 20 bodova, što ju je u konačnici rangiralo na sedmo mjestu rang liste kandidata sa ukupno ostvarenih 99,5 bodova od mogućih 120 bodova.

Pored ukupnog broja ostvarenih bodova, na osnovu kojih je kandidatkinja u skladu sa čl. 59a. stav (1) tačka a) i 59b. st. (2) i (4) Poslovnika VSTV-a BiH stekla uslove za predlaganje i imenovanje na poziciju sudije okružnog privrednog suda, Vijeće je vodilo računa o okolnostima koje su relevantne za procjenu podobnosti kandidata iz člana 48a. ovog poslovnika, kao i o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Vijeće je prilikom imenovanja navedene kandidatkinje ocijenilo da ne postoje okolnosti koje izazivaju sumnju u pogledu podobnosti kandidatkinje za poziciju za koju se prijavila.

Adekvatna nacionalna zastupljenost u konkretnom sudu utvrđena je na osnovu popisa stanovništva iz 1991. godine. Nacionalna struktura 23 sudija, prema popisu stanovništva iz 1991. godine, bi trebala biti: Bošnjaci (3,6), Hrvati (2,5), Srbi (14,8) i Ostali (2,2). Trenutna nacionalna struktura 11 sudija, sa uključenim odlukama Vijeća o imenovanju donesenim nakon 01.03.2025. godine: Bošnjaci (1), Hrvati (1), Srbi (9) i Ostali (0). Prema prethodno navedenoj nacionalnoj strukturi u Okružnom privrednom sudu u Banjaluci nedostaje kandidata bošnjačke nacionalnosti (- 2,6), hrvatske nacionalnosti (- 1,5), srpske nacionalnosti (- 5,8), te ostalih (- 2,2).

Dakle, imajući u vidu trenutnu nacionalnu strukturu u Okružnom privrednom sudu u Banjaluci, Vijeće je u konkretnom slučaju na drugu od dvije oglašene pozicije sudije navedenog suda imenovalo sedmorangiranu kandidatkinju, koja dolazi iz reda hrvatskog naroda.

Polazeći od odredbe člana 62. stav (2) Poslovnika VSTV-a BiH Vijeće je u odnosu na kandidate na rang listi pod rednim brojem 2 do 6 dao prednost imenovanoj kandidatkinji, iz slijedećih razloga:

Vijeće je prije svega cijenilo činjenicu da su kandidati na rang listi pod rednim brojem 2,3,4,5 i 6, kao i imenovana kandidatkinja na rang listi pod rednim brojem 7, u toku konkursne procedure po kriterijima koji se primjenjuju prilikom ocjene uspjeha postignutog u konkursnoj proceduri, kako u pogledu kriterija koji se ocjenjuju na osnovu ocjene rada kandidata u prethodnom relevantnom periodu ili na osnovu kvalifikacionog i pismenog testiranja, tako i u pogledu kriterija koji se ocjenjuju na razgovoru sa kandidatima, ostvarili potreban uspjeh za imenovanje na poziciju sudije okružnog privrednog suda. Dakle, svi navedeni kandidati pod rednim brojem 2 do 7 su u skladu sa odredbama člana 59a. stav (1) tačka a) i člana 59b. stav (2) i (4) Poslovnika VSTV-a BiH, a u vezi sa članom 61. istog poslovnika stekli uslove za predlaganje i imenovanje na poziciju sudije Okružnog privrednog suda u Banjaluci.

Prilikom ocjene uspjeha kandidata sa rang liste pod rednim br. 2 do 7 postignutog u konkursnoj proceduri, primijenjeni su kriteriji iz člana 43. stav (1) Zakona o VSTV-u BiH, uključujući 1) stručnost kandidata, 2) sposobnost pravne analize, 3) komunikativnost i sposobnosti prezentacije, 4) sposobnost kandidata da odgovorno, nezavisno i nepristrasno obavljaju funkciju sudije ili tužioca, uzimajući u obzir, između ostalog, 5) dosadašnje radno iskustvo kandidata 6) profesionalnu nepristrasnost i ugled, 7) ponašanje van posla, 8) edukacija i usavršavanje, 9) objavljivanje stručnih i naučnih radova, te druge aktivnosti u struci, koji su na osnovu strukturiranog i objektivnog postupka ocjenjivanja, jasno izraženi kroz ocjene.

S obzirom da Vijeće u skladu sa članom 43. stav (2) Zakona o VSTV-u BiH, prilikom imenovanja kandidata vodi računa o nacionalnoj i spolnoj zastupljenosti u pravosudnim institucijama u kojima se vrši imenovanje, te imajući u vidu činjenicu da u ovom momentu u Okružnom privrednom sudu u Banjaluci nedostaje kandidata iz reda hrvatskog naroda (- 1,5), a da je na prvu poziciju imenovana kandidatkinja koja dolazi iz reda srpskog naroda, Vijeće je u odnosu na kandidate sa rang liste pod rednim brojem 2 do 6 koji dolaze iz reda srpskog naroda iz navedenih razloga odstupilo od rang liste i opredijelilo se za imenovanu kandidatkinju sa rang liste pod rednim brojem 7 koja dolazi iz reda hrvatskog naroda.

Imajući u vidu sve navedeno, Vijeće je primjenom kriterija iz člana 43. st. (1) i (2) Zakona o VSTV-u BiH, a u vezi sa okolnostima iz člana 59b. stav (5) i člana 61. Poslovnika VSTV-a BiH ocijenilo da imenovana kandidatkinja u potpunosti ispunjava zakonom propisane uslove, kao i druge kriterije koji se cijene prilikom izbora kandidata, kako bi bila imenovana na poziciju sudija Okružnog privrednog suda u Banjaluci.

U skladu sa članom 86. stav (8) Zakona o VSTV-u BiH sudija ili tužilac koji je prvi put imenovan na funkciju u pravosuđu, početni izvještaj dostavlja u roku od 30 dana od dana imenovanja na funkciju.

U pogledu stava II. dispozitiva ovog rješenja o stupanju na dužnost imenovane, isto se odgađa do okončanja dodatne provjere iz člana 86d. stav 6) Zakona o VSTV-u BiH, odnosno do okončanja upravnog spora, ukoliko je pokrenut protiv rješenja o imenovanju.

Ovo rješenje će biti objavljeno na internet stranici Vijeća, shodno članu 44. stav (1) Zakona i članu 62. stav (4) Poslovnika VSTV-a BiH, uz naznaku datuma objave od kojeg počinje teći rok za podnošenje tužbe.

Imajući u vidu sve iznesene razloge, Vijeće je odlučilo kao u izreci ovog rješenja.

Pouka o pravnom lijeku: Protiv ovog rješenja može se pokrenuti upravni spor pred Sudom Bosne i Hercegovine u roku od osam dana od dana objavljivanja rješenja o imenovanju na internet stranici Vijeća.

Broj: 04-07-3-3280-1/2025
Datum: 25.09.2025. godine

Predsjednik VSTV-a BiH
MP
Sanja Begunić



